

مجموعه آجودانیا

۱۷ نجی سنہ

ربیع الاول ۱۳۱۴

جزو، عدد : ۵۹





الارك قيمتى

انسان قوه عقليه سى سايه سنده « اشرف مخلوقات » عنوان شرف و امتيازى احراز ايلشدر ؛ فقط قوه عاقله نك تصور و ترتيب ايلديكى موادى تاميله اجرايه واسطه اوله جق صورتده قدرت فاطره فعال ، ماهر ، مكمل بر آلت و ير مامش اولسه ايدى ابقاى نوع ، ادامة موجوديت ايچون انسانك ضرورى الوقوع اولان مبارزاتده مخلوقات سارنده نك مغلوبى اوله جنى محقق ايدى . صانع حقيقينك اك كوچك بر بخشايش قدرتى اولان بو آلت « ال » ديدىگمز عضو مخصوصدركه ، قبض و ضبط و تماس خصوصنده مهارت فوق العاده يه مالك اولمقله آلترك اك مكمليدر .

هرملت امر كنات و سارنده صاغ الى قوللانمى اعتياد ايتمش اولديغندن اكثر خصوصاتده بونك مهارتى صول اله فانقدر .

شاعر و منشير تراكيب بديعنى حاوى بر چوق منظومات و منشورات لطيفه ايله « دست بشرك » حيرتده عقول اولان مهارت و مصنوعاتى حقنده مدحيه پرداز - لقلرده بولنمشلردر . لكن منشيلرك بو تمدىحات و توصيفاتى نه قدر يارلاق ، نه قدر روحلى تعبيرات ايله رنگين و رونقدار اولورسه اولسون و حتى مبالغه نك مقبول و معقول اولان درجات مختلفه سنى مدخوله طوغرى نه قدر آشارسه آشسون حال حاضرده لك كسب ايتديكى اهميت و نزاکت نقطه نظرندن اوکي جمل ستايشكارانه مقصده كفايت ايدميور .

شمى الارك « قيمت حقيقه سى » تقدير و حساب ايدملك لازم كيلور . بر

جراح شهر فوق العاده نازک و دقیق بر عملیات اشناسنده « هر بار مق بوغومی کندی وزنده آلتونه معادلر » دیمش ! فقط زمانزده گرك الك و كركسه اقسامنك صورت عمومیهده اوله رق بو یوله مظهر تقدیرات اولمسیده کافی گوريله میور . شمدی عضو مذکور ایله اقسامنك هر برینه عارض اوله حق و یا ایراث ایديله جك ضرر و جریحه نك « جوهر بدلی » یلنك آرزو ایدیلیور؛ یعنی بر الك آلمش اولدینی یارمدن طولانی نه قدر پاره تضمینی دعوا و نه قدر غروش ایله تداوی ایديله بيله جگی تحرری اولیور . چونكه تأمین قضا شرکتری (۱) جریحه دار و یا قضا زده اولان بر عملیه نه قدر تضمینات نقدیه اعطاسیله مكلف اوله جقلرینی آكلامق استمكده درلر . قضا نتیجه سی اوله رق عمله نك ایشه و صنعتیه اولان قابلیت و یا عدم قابلیت و ده ها طو غریبی سبی ذاتی ایله تأمین معیشت ایدوب ایدمه جگی نظر مطالعه یه آله رق، بو تضمین نقدی تعیین اولنور؛ بوندن بشقه الك ایشه بستون عدم قابلیتیه نظر آ منفرد بارمقلر یوزده لر ایله ارا نه ایدیلور .

حال بوكه شرک تأمینیه لر بو خصوصده « قیمت تعرفه سی » یا بمق آرزو ایتمكده درلر كه « تعرفه مذکوره خانه لرینه قونیان ساده جه عددلر شه سزدها زیاده وضوح بیانی حازدرلر » .

هرایکی الك بردن ضیاعی انسانك ایشه عدم قدرتی انتاج ایتمكده اولدیغندن، همان هر تعرفه ده تضمینات بدلیه اوله رق یوزده یوز 100% قونلشدر .

اگر ایکی الدن بریسی ضایع ایديله جك اولورسه او حالده صاحبك صنعتیه و اللرك یكدیگری ایله دائماً مجتمعاً استعمال ایدیلوب ایدلمیه جگنه گوره قیمتتری دخی بك مختلف اولور. صاغ ال صولدن ده ها مهم اولدینی جه تله معدنجیلر و انشا آتجیلر هیئت آلك قیمتی $70 : 80$ تقدیر ایلدكلری حالده صول الك قیمتی $60 : 70$ تقدیر ایلدكده در . بر جوق « تأمین قضا » شرکتری بو مقداردن آشاغی اوله رق

(۱) حیات سیغوریطه سی، قضا، حریق سیغوریطه سی گگی تعبیرلر پرینه : تأمین حیات شرکته ، تأمین قضا ، تأمین حریق شرکتری و یا شرک تأمینیه تعبیرلری استعمالی تسبب ایدلشدر .

و فقط بو منوال ايله قيد قيمت ايتكده درلر . يالكز صاغ الك قىتى $50 : 60$ و صول الك قىتى $40 : 50$ تقدير ايدىلكده درلر . مختلف پارمقلر ايچون قونيلان عددلر فوق العاده معيئدار درلر . (۲)

باش پارمغك ديگر پارمقلرك جملەسنە معادل اولمى حسبيله مشهور بر جراح « باش پارمغى ضايع ايتك تكميل الى غائب ايلك ديمكدر » ديه تعيين اهميت ايتمشدر . فى الحقيقه بش پارمق ايچنده باش پارمق هر جهتله جملەسنە فائق اولوب حاوى اولدنى سكر سكر و ايكى بوغوم (مفصل) ايله بالذات ديگر درت پارمغك قوتنه معادل و بوندن بشقه انلرك كافەسندن متحركدر . اعتياد و تعليم سايەسندە شهادت پارمغى ايله برابر ۱۱۰ درجەلك بر زاويه تشكيل ايدرلر . اگر باش پارمق جريحەدار اولور و يالكز كوچك بر قسمى باقى قالورسە بوقالان قسم صغيرك قيمت و اهميتى ينة پك زيادهدر ؛ زيرا اصابع سائرەنك ايشنە سهولت و معاونت بخش اولور ؛ بو جهتله باش پارمغك قىتى هپسندن زياده تقدير ايدلمشدر .

مختلف تعرفلەردە ضياعى $20 : 30$ تقدير ايدلمشدركه . الك الك مهم بر قسمى ايچون موضوع اولان ايلك قيمت ، خصوصيله ، صاغ الك پارمغى ايچون پك آذر . باش پارمغك الك يقين رفقى اولان شهادت پارمغى اصابع خمسە ميانندە ايكنجى درجە اهميتدە بولمقدهدر . باش پارمقن دها اوزون و پك متحرك اولوب اورته پارمق ايله برابر $60 : 70$ درجەلك بر زاويه تشكيل ايدە بيلور . شهادت پارمغى الك « سر معايىنه جيسى » اولوب پك مكمل حس ايتديكى جهتله بو وظيفهنى صورت فوق العاده اجرا ايدر . و بو خصوصده كنديسنه يالكز « ديل اوجى » تفوق ايلر . سائر پارمقلرك كافەسندن زياده طوتمق خصوصنه الويريشليدر .

هرشيدن اول صول الك برنى صاغ الك برى گي فاليته ادمان ايتديرلر . و نا صاغ الك درجە سنى بولمىچە گوز طبابتى تدريس ايتزلر . بو حالده بر گوز طبيىنك صاغ الك نه قيمتدە ايسە صول الكدە اوقىتى حازدر .

للطابع

(۱) گوز طبيىلرنيك صول الك برى اهميت و قيمتجه صاغ الك برندن فرقلى اولماق لازم گيلور . چونكه فاليتهجه صاغ الك عيني در . بر گوز طبيىي صاغ الك گوزده اجرا ايدەجكى عملياتى صول الكدە اجرايه مجبوردر . حتى اوروپاده گوز طبابتى تحصيل ايدەجك طلبه يه

ماکنه جی ، یازمچی ، دیکیشچی ، نقشچی ایشاری گبی اڭ دقیق ایشارده الڭ
مدیریتی ، رهځانلی شهادت یارمځنڭ همت ومهارته تودیع اولغشدر . مختلف تعر-
فدلرده صاغ الڭ شهادت یارمنی ایچون % ۱۴ : ۱۸ وصول الڭکی ایچون % ۸ :
۱۳،۵ فیأت وضع اولغشدر .

شمدی اوچنچی ، یعنی اورطه یارمغه عطف کلام ایدلم : بو یارمځنڭ هر نه قدر
شهادت یارمنی قدر حرکت قابیلیتی یوقسه ده یارمقلرڭ اڭ اوزون بویلیسی اولدینی
جهتله الڭ اقسام مختلفه سنه ایش تقسیمی هنکامنده اکا مهم بر وظیفه اصابت
ایدز . اورطه یارمق اشیانی وخصوصیه مدور اولانلرینی اڭ گوزل احاطه ایده .
بیلور ، مثلاً یوارلاق برنسنینی دیگر یارمقلرڭ هپسندن زیاده ضبط واحاطه یه خادم
وقادر اولور . آووج ایچنده قویاً یرلشمسی ملزم اولان کسر ، بالطه ، چکچ
صابلرینی اڭ گوزل احاطه ایده بیلور . ضیاعنده % ۱۰ : ۱۶ قیمت تقدیر اولغش
وصاغ ال ایله صول ال اورطه یارمنی ایچون پڭ آز فرقلی بر مقدار قولغشدر ؛
زیرا قبا ایشارده بو ایکی ال بیننده بر فرق بولندیرمق ایجاب ایدیور . جیلینکرلر ،
طوغرامه جیلر ، ترزیلر ایچون قیمت واهمیت مخصوصه یی حازدرلر .

دردنچی ویا آدسز یارمق که بوزوک یارمنی دخی دینیلور ، یارمقلرڭ کافه سندن
اڭ اهمیتسز اولانی در . اقوام قدیمه آرمسنده بوگا دوقور یارمنی ویا علاج یارمنی
تسمیه اولوردی ، زیرا ازمنه ماضیه ده دوقورلر علاجی بلور بر چوبوق ویا بر
قاشیق استعمال ایتیه رک مذکور یارمقلری ایله خلط ایدرلردی ؛ بناء علیه بو یارمق
ایچون « الی اکمال ایتمک اوزره بر علاوه دن عبارتدر » دینله بیلور . قابیلیت
حرکتی پڭ آذرر . ارباب مطالعه آرمسنده تجربه ایتمامشدر وارسه بونی پڭ فولای
آکلایه بیلورلر .

شویله که : الی یومروق حالته گتوردکن صکره سائر یارمقلری تحریک
ایتمکسزین آدسز یارمنی قالدیرمنی تجربه ایتلی : بونی هیچ بر کیمسه شهادت یارمنی
قدر قالدیروب طوغرولته مز ؛ بسبتون اوزادوب طوغریلده یتلک ایسه اورته و سرچه
یارمنی برلکده رفع ایتمکه متوقعدر . اسباب تشریحیه سی ایسه آدسز یارمق ایله

سرچه واورته یارمقلرک اعصابی بربرلریله ارتباطی حاز اولملرندن وئو جهته آیری اوله رق رفع ایدیه مامسندن در .

ارباب ثروت و یسار و خصوصیه نسوان زینت پرستار ایشه ال از یارامقده اولان آدسر یارمنی یوزوکارله تزیین و گویا قیمتی بو وجهله تربید ایتمکده درلر .
تأمین قضا شرکتلری مذکور یارمغه مقابل ال آشانی بر بدل تضمین قویمشدر درکه .
۷ : ۹ دن عبارتدر .

سرچه یارمنی و یا کوچک یارمق اولدقجه مهمدر . حتی شو سطرلری یازمقده اولدیغ اسناده بیله تکمیل المی کوچک یارمق اوزرینه استناد ایتمکده و آنک بخش ایلدیگی نقطه استناد سایه سندن یارمقلری ایستدیگم کبی تحریک ایده رک یازمغه موفق اولمقده ایم . بو سببله درکه « تضمین تعرفه سنده » آدسر یارمقدن ده ا زیاده قیمت وضع اولمش و ضیاعی ایچون ۹ : ۱۲ بدل تضمین تقدیر ایدلمشدر .

شمعی یه قدر اله عارض اولان ال قبا ضررلری ، اقسامک ضیاع کاملنی نظر مطالعه الیق . سقوط ایستایستیقلری تدقیق ایدیه جک اولورسه بر ثلثک ال سقطلغنی انتاج ایلدیگی آکلاشیلور . انسانک واسطه تعیشی اولان « ال » ده ا بشقه درلو قضالره معروض بولور . حدندن زیاده استعمال سببیه ال خسته و ضعیف اولوب یک آز ایشه یازار و یا خود ایشه بسبتون غیر مقتدر بر حالده بولور ، یازبجیلر ، پیانو چالانلر ، دیکش دیکنلر ، سود صاغانلرک یارمقلرنده حصوله گلان اسپازموزلری تخطر ایتک کافیدر . تأثیرات خارجی و مضره نک اجتماعی حسبیه مفصللری برباد و تخریب ایده بیلورکه ، بوکی ضررلری هیچ بر شرکت تأمینیه قبول ایتامکده در .

بوندن بشقه ال دخی اختیارلر ، انگلتره فابریقه لرنده ایدیلان معاینه نتیجه سنده عمله نک اللری ۳۰ یاشنده ایکن ال بیوک فعالیت و مهارت ابراز ایل ۴۰ یاشنه قدر محافظه ایدرلر . ۴۰ یاشندن اعتباراً الک ملکه و مهارتی انسان ایله برابر نزل ایتمکده درکه قاعده عمومیه در .

فقط آشکاردرکه تدایر و تدایو مناسبه ایل « شیخوخت دستی » بر مدت ده ا

تاخیر ایتمک ممکندر . بویاسه میلو نلرله انسانلرک قوه فعالیتلرینی تمید ایتمک و بوجهتله ده زیاده تأمین معیشت و منفعت ایلمک دیمک اولور .

شوراسیده شایان ممنونیت حوادثندرکه حفظالصحه شو یقین زمانلرده « دست-بشره » شمدی به قدر امشالی کورلماش برصورتده اهمیت و برمکدهدر . اکثریا وقوع بولمقده اولان ال قضالری ، جریحهلری صاغ اله تصادف ایتمکده اولدینی جهتله شمدی به قدر به داغوزی نقطه نظرندن تربیه سنده پک زیاده اهل و امهال کوسترلمش اولان صول الک دخی « صاغ گبی » لایقوله تربیه ایدلمسی لازم کیلور . « انسانیت صاغ الیدر و دائماً صاغ الی قاله جقدر » ؛ زیرا قلبک وضع طبیعیسی و بیوک قان طمارلرینک جوف صدرده بولنمسی حسیله طبیعت حال و ایجاب-مصحت آنی اقتضا ایستیرمکدهدر .

صول ال هر حالده ده زیاده تربیه ایدیلرک وجودک هیئت مجموعه سنده ده کوزل ابراز خدمت ایله بیلور ؛ فقط بونکله برابر بشر « ایکی الیدر ! » عنواتی احراز ایتمدن اول قاعده « صاغ الیدر ! » و پک نادر حاللرده ایسه بربرینه مساوی مهارتده « ایکی الی ! » بولور .

حفظالصحه دستک و وظیفه اصلیهسی بستیون بشقه ، یعنی هرشیدن اول چالشان اللرک صحتده قالمسینی محافظه ایتمک و چابوق اختیار اولملرینی منعه چالشتمدن عبارتدر . پک چوق فابریقه جیلرک اعمال ایتمکده اولدقلری و سائط عیدده سایه سنده نازک اللرک طراوت و لطافتلری محافظه ایدیله یللمکدهدر .

عملهلر بوکی و سائطه قارشو بر نظر لایقیدانه و غیر متزلزانه ایله باقمقده و اللرینک سردلگنی ، قبالغنی سعی و غیرتلرینک برهانی صایمقدهدرلر .

ساردونیا مرجان صیادلرینک اللری او درجه سردلشمش ، قاتیلاشمشدرکه ، مثلاً یره آتیلان برچاربک مجیدییهی بارمقلری اگیلوب بوکیله مدیگی ایچون قابل دکل آله مزلر ؛ آلمق ایچون مطلقاً بر اللری ایله یارنک اوستنه باصهرق دیگر النک اوزرینه صیجراتوب گتیرمکدن بشقه بر چاره بوله مازلر .

ایشته بو جسور مرجان صیادلری اگر سونگر طاشی صابونی استعمال ایتسهر

و یا خود استراحت زمانہری اولان بازار گونہری پوتاس محلولی ایله اللریخی ییقامش اولسہلر ایدی بودرجه سردلک حصوله کمر ایدی .

انسان اکثریا بویله عادی واسطه ومقصده موافق تداوی ایله اللریخی مضرتدن محافظه ایدہ بیلور . یالکیز شوراسی اونودلاملیدرکه ، بوخصوصده جاری اولان قواعد عمومیہ بالجله عملہ وصنعتکارلره قابل تطبیق اولہ میور . مختلف فابریقه لردہ عملہ ناک اللری بشقه بشقه نقطه نظرلردن تدقیق ایدیله رک آکا گورہ چارہ تداویسی دوشونیلور .

زمانمزدہ ایسه اوروپادہ نشر ایدیلان برچوق رساله لردہ مختلف فابریقه لردہ کی اصول تداوی عریض وعمیق موقع بحث ومناقشہ یه وضع ایدلمکده اولدیغندن یقین زمانده « آلتارک » ائ مکملی اولان « دست بشر » ائ حفظ صحتی حقنہ بر اصول موافق بولنه ییلسی امید اولنه بیلور .

محمد رشدی

